

NOVIS deildin - Upplýsingar og regluverk

Útgáfa 1 - Samþykkt þann 27.12.2021

Almennt

ÍPS kynnr með stolti í samstarfi við Tryggingar og ráðgjöf ehf NOVIS deildina sem tekur við af Stigmótum sambandsins og hefjast á árinu 2022. Stigamót sambandsins hafa verið við lýði í mörg ár og eru ekki gallalaus og því hefur stjórn ÍPS ákveðið að leggja þau niður og setja af stað mótaröð/deildarkeppni sem veitir fleiri keppendum jafnari keppni og fleiri keppnisleiki.

NOVIS deildin er til þess fallin að allir geta tekið þátt í deild sem hentar þeirra getu og að allir sem taka þátt fá verðuga keppni og spila við leikmenn af svipuðum styrkleika og geta leikmenn því farið upp og niður um deildir eftir því hvernig þeir spila.

Skipting deilda

NOVIS deildin skiptist í Gulldeild, Silfurdeild, Bronsdeild, Kopardeild og svfr. eftir því hve margir keppendur taka þátt hverju sinni en að hámarki eru 10 keppendur í hverri deild. Keppt verður bæði í karla og kvennadeildum en í boði verður fyrir konur að spila í karladeild ef þær hafa áhuga á því en þó ekki í fyrstu umferð. Ekki er þak á fjölda deilda og fer fjöldi deilda eftir fjölda skráninga.

Umferðir

Umferðir í NOVIS deildinni verða spilaðar á sunnudegi og verða umferðir auglýstar á dagatali dart.is. Stefnt er að því að spila 5 umferðir á árinu 2022 ásamt úrslitakvöldi í lok árs.

Spilafyrirkomulag

Allir leikir í NOVIS deildinni eru 501, einfaldur inn, tvöfaldur út. Spilað er best af 7 leggjum í þremur efstu deildum karla og kvenna og best af 5 leggjum í öðrum deildum. Fyrirnefndur á riðlablaði byrjar að búlla og gengur búllið í gegn. Sá spilar sem er nær miðjunni telst hafa sigrað og byrjar leikinn. Í 10 manna deild spilast 3 leikir í einu með 3 skrifurum og einn leikmaður er þá í pásu. Samtals gera þetta 45 leiki yfir daginn eða 15 umferðir. Gert er ráð fyrir að fyrstu leikir byrji kl. 10:30 og mun það taka um 8 klst að klára alla leiki í umferðinni. Ef skráningar hverju sinni ná ekki heilum tug þá getur það gerst að heildarfjöldi í hverri deild breytist til að ná jafnvægi í öllum deildum. Ef deild nær ekki heilum tug þá getur mótstjórn ákveðið að spila lengri leiki í þeim deildum.

Stigagjöf

2 stig verður gefið fyrir sigur í hverjum leik. Eftir hverja spilaða umferð þá er sigurvegarinn sá sem sigrar flesta leiki. Ef keppendur hafa sigrað jafn marga leiki þá ræður leggjahlutfall og síðan head2head. Ef keppendur eru ennþá jafnir þá ræður unnir leggir og seinast meðaltal keppanda.

Skráning og röðun í deildir

Skráning verður í hverja umferð fyrir sig og ekki er krafa að taka þátt í öllum umferðum.

Fyrir fyrstu umferð mun stjórn ÍPS raða í deildirnar úr þeim skráningum sem berast og verður horft til Stigalista ÍPS 2021 þegar raðað er í fyrstu umferð karla og kvenna.

Keppendum verður raðað í deildir eftir heildarskori keppanda eftir að fyrsta umferð hefur verið spiluð. Sigurvegarar hverrar umferðar í hverri deild fyrir sig tryggja sig einnig upp um eina eða fleiri deild. Heildarskor keppanda reiknast með eftirfarandi hætti:

Heildarskor = Meðaltal + stig í umferð. Ef keppandi er með 50 í meðaltal eftir fyrstu umferð og sigrar 5 leiki þá er heildarskor hans $50+10 = 60$.

Heildarskor keppanda núllast eftir tvær heilar umferð sem keppandi tekur ekki þátt í. Ef sem dæmi keppandi mætir í fyrstu umferð og kemst ekki í aðra umferð þá heldur hann sínu heildarskori ef hann skráir sig í og tekur þátt í þriðju umferð. Ef hann hinsvegar tekur ekki þátt í þriðju umferð heldur þá núllast heildarskorið og raðast þá keppandinn í næstu deild í næstu umferð sem hann tekur þátt í.

Heildarskor allra keppanda eftir hverja umferð verður gefið út og sýnilegt á heimasíðu sambandsins www.dart.is

Þátttökugjald

Þátttökugjald fyrir hverja umferð verður 3.500kr og þarf að greiðast áður en skráningarfrestur rennur út hverju sinni.

Gert er ráð fyrir að aðildarfélag verði með einn aðila frá félaginu í mótstjórn með ÍPS. Einnig er gert ráð fyrir að aðildarfélag bjóði uppá einn eða fleiri skrifara ef hægt er.

Greidd spjaldaleiga frá ÍPS til aðildarfélags eftir hverja umferð verður 1.500kr per skráðan og greiddan keppanda.

Annað

Eftir fimmtu og seinustu umferðina komast 4 efstu karlar efstu deildar og 2 efstu konur efstu deildar á sérstakt úrslitakvöld þar sem NOVIS deildarmeistarar verða krýndir. Stefnt er að því að það verði sýnt í beinni útsendingu hjá íslenskri sjónvarpsstöð. Undanúrslit+úrslit hjá körlum og úrslit hjá konum.

NOVIS deildin verður einnig notuð til að velja í öll sjónvarpsmót sem íslenskar sjónvarpsstöðvar sýna.

Konum gefst kostur á að spila annanhvort í karla- eða kvennadeild í öllum umferðum nema þeirri fyrstu. Heildarskor kvenna fylgir þeim hvort sem þær spila í karla-eða kvennadeild.